

Naunaikhitjiti Titirait

- ✓ Naunaiyariyaklugit qakugu taaktiliqivikhatit taaktinngit munakhitkunitluuniit, uplukhaini taaktiliqivikhatit uplughiutlu humungaaqqat.
- ✓ Titiqat tamaita piyariiqlugit taaktinngit munakhitkunitluuniit, (iksulirutititlu ukuallu allanik titiqanik).
- ✓ Taiguklugit sainiklugullu atiliuqtakhatit makpiraat angigutaanut tingmitjutikhatit.
- ✓ Maliktikhatit, nutaqqatlu uvaluuniit allat ilatit maliktukhat angiqtauhimayakhaita makpiraat angigutaanut tingmitjutikhatit. Uqaqatigillugu taaktit munakhiluuniit. Angiqtauguvit maliktikhangnik ilingnut, taakti munakhiluuniit ikayuqtaaktatit kinamik maliktikhangnik nakuuyumik.
- ✓ Maliktikhangnik kangikhiyukhauyuq itjuhingnik qanuritjuhingnik aullaktinnak taaktimit munakhimaitluuniit.
- ✓ Manikhangnik niritjutikhangniklu akiliutikhangnik piyariqtukhauyutit, tamuayakhangnut, uaktirutikhakhitikhangnik uvaluuniit niaqukhiutihitikhangnik, akilikhiyukhauyuvit pukattarnik.
- ✓ Pitquyahimayuhi tatqighiunmut naamayumik havautikhariiklutit havautituqtarnik.
- ✓ Aanniaviliaqtaktut tukkumaviani innahuaruvit, tukkumavikhavit atia, humiittaakhalu, hivayaautallu tunitjavat ilangnut aullaqtitauntinnak titiraqtimutlu munakhiaqarvingmi.
- ✓ Aanniaviliaqtaktut tukkumivianit ahiani tukkumanahuaruvit maniqattiaktukhauyutit akiliriaqaqmata niritjutikhatit tukkumavikhatlu.

Hanaiyaktakhatit Iniriktakhatitlu

Nakhaktakhatit:

- ✓ Nunavunmi Aanniartailinirmut Nampaa
- ✓ Kavamatkunit piksaqaqtuq naunaitkutit, (Kanatamit ahinut aullautikhangnut piksalik naunaitkutit, akhalutitut laisit, Kavamangat Nunavut Naunaitkutit).
- ✓ Piksalingmik naunaitkutaitkuvit, malrungnik allangnik naunaitkutangnik piksaittungnik nakhaktukhauyutit.
- ✓ Makpiraanik taaktiliqitjutikhangnik munakhitkunit taaktiliarutikhangnik.
- ✓ Tingmitjutikhangnut titiqat naunaiyautikhat nalliakkut tingmitjutikhangnik taaktiliakvikhatitlu naunaitkutit.
- ✓ Nanminitit (aanurait, kigutigikhautit, kigutigikhautinut iqaqqut, nuyaliqutit, irmiutit, allaniklu).
- ✓ Manikmik tukkumavikharnut akighamik, taksituutikharnik, niritjutikharnik, allanutlu atuqtakharnik, ittiqitrvianilimaitkuvit aanniaviliaqtut.
- ✓ Havautitugatit munakhitkunit.

Hapkuat nakhaqtakhaungittut:

- ☉ Tangaknik
- ☉ Iminngarnaqtut higarluit, havautitluuniit havautigingittatit.
- ☉ Qinmit allatlu iglumiutatit uumayut
- ☉ Qayangangtut kiyuaqtutit ukuallu hanarutikhat haviit hanatjutit.
- ☉ Ilvit nallunaqtut puukattat uvaluunit tigumiaquyayut allanit tuyutikhat.

Hivayakvikhatit Naunaiktakhatit

Tingmitikkut Aanniaviliaqtunut Tingmitjutikhanik Havakvik

(Tingmivikharnut kingurauiyunut • Upautingittunut taaktiliqivikhamingnik • Anglrakvikharnut nunangnut)

- Qikiktaani Avikturiani
1-866-371-3305
- Kivalliq Avikturiani
1-867-645-4336
- Kitikmeot Avikturiani
1-867-983-5196

Aanniaviliaqtunut Tukcumaviit

- Churchill-mi - Iglualuk Aanniaviliaqtunut Tukcumaviit
1-204-675-2270
- Iqalungni - Tammattaavik Aanniaviliaqtunut Tukcumaviit
1-867-979-5900
- Winnipeg-mi - Kivalliq Inuit Centre
1-204-944-7110
- Edmonton-mi - Larga House
1-780-477-6284
- Ottawa-mi - Larga House Baffin
1-613-248-3552
- Yellowknife-mi - Larga Kitikmeot Aanniaviliaqtunut Tukcumaviit
1-867-766-3410



Tingmitit Atuqtauvaktunut

- Calm Air : 1-800-839-2256
- First Air : 1-800-267-1247
- Canadian North:
1-800-661-1505



Tingmitikkut Aanniaviliaqtunut

Apiqqutauqattaqtauyut

Hapkuat naunaiyaqtauyukhat ahiarurutikhaungitut Tingmitikkut Aanniaiviliaqtunut Maligaq uvaluuniit allat maliruagakhat. Tingmitikkut Aanniaiviliaqtunut Maligaq ukuallu allat maliruagakhat takuyauttaaktut uvani Munarhiliqiyikkut qaritauyakkurutaani www.health.gov.nu.ca.

Huuqlikiaq tuniyauvakpitaq tingmitikkut aanniaiviliaqtunut?

Kanatami Aanniartailinirmut Maligaq titiraqhimayuq tamarmik Inuit atjikiiktunik aanniatailinirmut munaqtauyukhat. Nunavunmi, pitjutikhat aanniatailinirmut munaqtauyukhat pivikhaqautikhatpiqangittunik nunalaani aullaqtitauyukhat tingmitikkut. Munarhiliqiyikkut akilikhivaktut tingmitjutikhanik aullaqtitauyukhanut akiittumik taaktiliaqtukhanut nunamik ahianut.

Kinatkunnut turangava Tingmitikkut Aanniaiviliaqtunut maligaq?

Tingmitikkut Aanniaiviliaqtunut Maligaq turangayuq tamainut inungnut nunaqaqtunut nakuuyumiklu piqaqtunut Nunavunmi aanniatailinirmut munaqtauyukhat nappaqaqtumik kinamurutighamik titiqamik Nunavunmi Taaktimit.

Hunattaq Angiqtauhimayuq Ihivriukhivikhak Taaktiliqivikhat?

Una 'Angiqtauhimayuq Ihivriukhivikhak' aanniavik, taaktiliqivik, irniurvik, aviktuqhimanirni aanniavik uvaluuniit nakuuhittirvik, angiktauhimayuq Kavamanganit Nunavut Munaqhiliqiyikkunit aanniaqtailinikkut pivikhaqautikhat piqangittunik aanniaviliktup nunani. Angiqtauhimayuq Ihivriukhivikhak Aanniaviitqanitiqiyayuq ihivriuktauvikha inuup taaktiaqtumik inungmut ihivriurutikhanik ihuaktumik.

Una naunaiyautigilugu, Qikiqtanirmiutat taaktiliakpaktut Atuwamut, Winnipeg-mut uvaluuniit Edmonton-mut, qanitiqiyag Atuwami.

Qakugu angiqtauhimayuq aullakvikhara aullaqiniaq?

Angiqtauhimayuq aullautikha atuqtauyukhauyuq hivuninnuangani taaktiliqivighata Taaktit titiraqat angilrautaliqtutit, nunangnit aullakvingnut utiqtitauiaqtutit taaktiliqitjutitit iniriarupkit.

Kinatkut tukhiqtaaqat aullaqatikhamingnik aaniaktumut mallauyukhamik?

Aanniaqtuq apikhiyukhauyuq aullaqatikhamingnik aaniaktumut mallauyukhamik uvaluuniit munaqtia apikhiyukhauyuq aullaqatikhamingnik aaniaktumut mallauyukhamik. Nunavunmi Taakti angikniaktuq maliktiqaqtukhaukpat uvaluuniit huud aanniaqtuq maliktauyakhaitpat. Apiqqutaa angiqtauvariaqaqtuq aviktuqhimanirni Munaqhiliqiyikkunit havakvianit. Aaniaktup maliktikhaa angiqtaullayuq uvaluuniit qingiyauttaaktuq aullakhimatjutaani aaniaktup hivitunianik.

Kinatkuuvat maliktikhangit aaniaktup aullaqtitauyukhap?

Maliktikhangit aaniaktup aullaqtitauyukhap 19-nik ukiuqaqtukhauyuq angayukhiyuqlluuniit. Nunavunmi Taakti uqaqqatiqaqqaqluni aanniaiviliaqtukhamik uvaluuniit munaqtianik maliktiqaqquyillayuq. Maliktikhangit aaniaktup aullaqtitauyukhap angiqtukhauyut, sainiqtukhauyutlu maliktiuyukhanut angigutaanut. Aaniaqtuq aullakhimakhaaktukhaukpat hivituyumik maligaqaqtukhaq maliktikhangit aaniaktup aullaqtitauyukhap

nayuqtakhariyanga aaniaktup imatut hitamani havainirni atauhirmi tatqighiunmi aihimaitumik nunaminut. Hitamat havainiit natpata, maliktikhangit aaniaktup aullaqtitauyukhap apiqhittaaktuq aviktuqhimanirni Munakhiliqiyikkunik havakvianit tingmitjutikhaminik aiyautjutikhaminut allamik himmauhirumalunilu himautikhaa akiliqtaullayuq tingmitjutikhanginik.

Maliktikhangit aaniaktup aullaqtitauyukhap nutaqqaminik nakhaqtitaullimaituq. Maliktikhangit aaniaktup aullaqtitauyukhap kinguani maliktamingnik maliqatingitup maliktakhamingnik aaniqtut tingmitjutikhanik angigutaanut angiqtaulimaitut Maliktikhangit aaniaktup aullaqtitauyukhap hivuani.

Akigaktuitjutait?

Aaniaqtuq uvaluuniit munaqtia uktuqvikhaqaqtuq 60-ni upluni ilittirinirmut qingiyaugumi maliktikhaminik inikhimayunik Akigaktuitjutait tukhiunmik titiqanik tuyuqtukhauyuq. Aviktuqhimayniani Aulapkaivi uvaluuniit himmautaa takuukniqtaa una Akigaktuitjutait tukhiunmik titiraq tuyuqtauhimayuq, ihumallurutingnik tuhaqtitiniaktut aaniaqtumut uvaluuniit munaqtianut 10-ni upluni tuyutauhimayut pigumikku Akigaktuitjutait tukhiu. Ihumallurutaat kingulliyuqahiyuqtaulimaittuq allamik Akigaktuitjutaittuq uktuvvaalimaittuq.



Tingmitikkut Aanniaiviliaqtunut